

Uminumka Kadi iti Arak?



1

Addaka iti maysa nga okasion ket nadlawmo nga umin-inum iti naingel wenno aniaman a de alkohol nga inumen ti dadduma a saan koma a rumbeng nga uminum iti dayta.

Ania ti aramidem?

AGPANUNOT!

KUNA TI BIBLIA: “Nasaldet [wenno, masirib] daydiay nakakita iti didigra ket rugianna ti aglemmeng, ngem daydiay awanan kapadasan limmasat ket masapul a sagabaenna ti pannusa.”—Proverbio 22:3.



Bayat a pampanunotem dayta, sungbatam dagitoy a saludsod.

Ania ti mabalin a mapasamak no saanka a pumanaw iti dayta nga okasion?

Kasanoka a makapanaw nga awan ti tumaud nga isyu wenno panangkantiaw?

Panangkantiaw kadi ti *kakaruan* a mabalin a mapasamak?

TIP

Makitulagka kadagiti nagannakmo a tawagam wenno teksam ida no kasapulam ti agawid a nasapa.

Dagiti aramidek iti maysa nga okasion no adda dagiti nalabes ti panagin-inumna:



2

Adda mangpilit kenka nga uminum.

Ania ti aramidem?

AGPANUNOT!

KUNA TI BIBLIA: 'Adipennakayo ti pagtultulnoganyo.'—Roma 6:16.



Bayat a pampanunotem dayta, sungbatam dagitoy a saludsod.

Ania ti mabalin a mapasamak no saanmo a takderan ti inaramidmo?

Apay a napateg ti kompiansa iti bagi tapno didaka mapilit?

TIP


Panunotem no anianto ti ibagam. "Ti kanayon nga ibagak ket, 'Saan pay laeng.' No kasta ti ibagak, sardengandak no kuan."—Brianna.

Ti ibagak no adda mangpilit kaniak nga uminum:

3

Agbibiahekayo kadagiti gagayyemmo ket naammuum a nakainum ti drayberyo.

Ania ti aramidem?



AGPANUNOT!

KUNA TI BIBLIA: “Daydiay makipagna kadagiti masirib a tattao agbalinto a masirib, ngem daydiay addaan kadagiti pannakilangen kadagidiay maag nakadakdakesto ti pagtungpalanna.”—Proverbio 13:20.

Bayat a pampanunotem dayta, sungbatam dagitoy a saludsod.

Ania ngata ti mapasamak no dayta a drayber ti mangitulod kenka iti balayyo?

Ania pay dagiti mabalinmo nga aramiden?

Kasano a makatulog dayta iti drayber ken iti dadduma?



TIP

Dika makiluglugan no pagduaduaam ti drayber. Kanayon koma nga adda planom a sabali a pagluganan.

Ti aramidek no nakainum ti drayber:
